



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola V. Ioannis Papae VIII. Ad Neapolitanorum duce eius fratre
queritur, qui suis monitis non parebat. Quare hortatur, vt ab eo se
separeret; alioquin cum eo ac ceteris fautoribus anathemati ...

urn:nbn:de:hbz:466:1-15967

officii ministerium, ut vñquam nullis præsideat, ei perpetuo adimemus. Data, &c. indictione decima.

EPISTOLA V. IOANNIS PAPÆ VIII.

De Neapolitanorum duce eius fratre queritur, qui suis monitis non parebat. Quare hortatur, ut ab eo se separet; alioquin cum eo ac ceteris fautoribus anathemati subiicietur.

*Ioannes episcopus **

MVLT A per nos per decessoresque nostros reuerendos pontifices duci Neapolitanorum, imo duci cæcorum, missis & epistolis discurrentibus dicta sunt, quæ locum in eius corde nullum penitus inuenerunt: quia profecto viscera ipsius verba vita æternæ recipere renuerunt. Iudæis enim Dominus dicit: *Qui est ex Deo, verba Dei audit; propterea vos non auditis, quia ex Deo non estis. Si quis, inquit, diligit me, sermonem meum seruabit*: ergo probatio dilectionis, exhibitio est operis. Probatur igitur germanus tuus non diligere Deum, qui mandata eius participando cum perfidis non custodit. Nam Ioannes apostolus ait: *Qui dicit quia diligit Deum, & mandata eius non custodit, mendax est.* Sed nos postremo, nec etiam sic contempti, quæ ad salutem eius & cunctorum pertinebant, negleximus: vnde non angelus, non legatus quilibet, (vt de Redemptore nostro prophetice dictum est) sed ad saluandos eos ipse per semetipsum apostolatus noster adueniens, quid est quod debuit facere, & non fecit? licet ipse, vt cum propheta dicamus, conuersus est in amaritudinem vitis alienæ, & sicut aspides surdæ, & obturantes aures suas, non audierit vocem incantantium, id est prædicantium, nec mutauerit versutiarum suarum colorē, aut varietatem, instar Æthiopis & Pardi, quibus perfidorum Israelitarum Ieremias duritiam comparauit, vnde merito abscessi sunt, vt de talibus Apostolus optat: *Abscindantur, inquiens, qui vos conturbant, a Christo*, id est a capite & corpore, quod est ecclesia Dei viui, columna & firmamentum veritatis. Ergo cum ita sit, prudentia tua moueri non debet, si inter tales officium cesset doctorum, siue torpenti desidia faciente re-

8 IOANNIS PAPÆ VIII.

ctorum, siue impœnitenti exigente crimine subiectorum.
 Diuino enim iudicio, quamuis occulto, talia fiunt, sicut
Iob 12.
 in libro B. Iob legitur, cum de Deo inter alia fertur : *Dicit sacerdotes inglorios, & optimates supplantat, commutans labium veracium, & doctrinam senum auferens* : cuius sensus medulla concepta, procul dubio scito quia in optionem vnum e duobus a nobis tibi tribuitur : aut enim (secundum quod scriptum est) *Exiens exhibis de medio ipsorum, & pollutum non tanges* ; aut certe, quamdiu cum talibus conuersatus fueris, non poteris videri non talis, sed eris profecto illis poena, sicut consortio similis. Nam Loth chaos Sodomis fugiens, cunctis necatis ciuibus, saluus singulariter redditur. Sic Petrus fugiens, Herodis catenis ereptus, ad saluandas gentes eruitur. Sic Paulus, obseruante Damasci præposito, teneri intra claustra perfidorum noluit, in sporta per murum summisſus, ad certaminis properat campum. Verumtamen ne sanguis eorum de manibus tuis diuinitus requiratur, tamquam segnis desidisque speculatoris, qui videtas gladium lupumque venientem, & racheas : *Insta interim (vt Apostolus monet) opportune, importune : obsecra, increpa : nemo adolescentiam tuam contemnat*. Qui si te audierint, lucrifacies fratres tuos : sin autem, saltem tu saluans salua quantocius animam tuam, sciens procul dubio totius Hesperiæ præfules a nobis in proximo congregandos. Quibus generaliter imminentibus, tam perfido fratri tuo, quā omnibus sectatoribus & fautoribus eius perpetuum dicimus modis omnibus anathema, nunquam deinceps penitus dissoluendum : quod si euadere fatagis, in nostrique affectus finibus inueniri, in nullo prorsus ab hoc nostro recedere præcepto patere vel hortatu. Gratias præterea referimus super his, qui per industriam tuam redempti sunt a Domino, quos redemit de manibus inimici: & scito nil te nobis acceptius oblaturum, quam eos nimirum, pro quibus sanguis oblatus est Christi. Data quinto Idus Septembris, inductione decima.

EPI-